



Ministarstvo za obrazovanje, nauku, kulturu i sport Zeničko - dobojskog kantona, na osnovu člana 178. Zakona o osnovama bezbjednosti saobraćaja na putevima u Bosni i Hercegovini („Službeni glasnik Bosne i Hercegovine", broj: 06/06, 75/06, 44/07, 84/09, 48/10 i 18/13), a u skladu sa odredbama Pravilnika o uvjetima i načinu dobijanja licence („Službeni glasnik Bosne i Hercegovine", broj: 12/07, 41/07 i 13/13), r a s p i s u j e

J A V N I P O Z I V

ZA PRIJAVU KANDIDATA ZA DOBIJANJE SLIJEDEĆIH LICENCI:

- 1. licenca predavača teoretske nastave**
- 2. licenca ispitivača iz teoretskog dijela ispita**
- 3. licenca ispitivača iz upravljanja motornim vozilom**
- 4. licenca ispitivača iz poznavanja prve pomoći**

I Pravo prijave na javni poziv za pojedine licence imaju lica koja ispunjavaju sljedeće uslove:

1. Za licencu predavača teoretske nastave

a) diplomirani inženjer saobraćaja, cestovni smjer (VII stepen stručne spreme, najmanje 240 ECTS bodova), koji ima vozačku dozvolu "B" kategorije.

2. Za licencu ispitivača teoretskog djela ispita

a) diplomirani inženjer saobraćaja, cestovni smjer (VII stepen stručne spreme, najmanje 240 ECTS bodova), koji ima vozačku dozvolu "B" kategorije, ili lice koje ima VII stepen stručne spreme, najmanje 240 ECTS bodova i najmanje godinu dana iskustva na poslovima sigurnosti saobraćaja;

b) inženjer saobraćaja, cestovni smjer (VI stepen stručne spreme, najmanje 180 ECTS bodova) i najmanje godinu dana iskustva na poslovima sigurnosti saobraćaja.

3. Za licencu ispitivača iz upravljanja motornim vozilom

a) diplomirani inženjer saobraćaja, cestovni smjer (VII stepen stručne spreme, najmanje 240 ECTS bodova), ili diplomirani pravnik (VII stepen stručne spreme, najmanje 240 ECTS bodova), ili diplomirani inženjer mašinstva (VII stepen stručne spreme, najmanje 240 ECTS bodova), ili lice koje ima obrazovanje nastavno-pedagoškog

smjera (VII stepen stručne spreme, najmanje 240 ECTS bodova) i najmanje godinu dana radnog iskustva na poslovima osposobljavanja kandidata za vozače ili instruktora vožnje u autoškoli;

b) inženjer saobraćaja, cestovni smjer (VI stepen stručne spreme, najmanje 180 ECTS bodova), ili lice koje ima obrazovanje nastavno-pedagoškog smjera (VI stepen stručne spreme, najmanje 180 ECTS bodova) i najmanje dvije godine radnog iskustva na poslovima osposobljavanja kandidata za vozače ili instruktora vožnje u autoškoli;

c) lice koje ima V stepen stručne spreme, cestovni smjer i najmanje tri godine radnog iskustva na poslovima osposobljavanja kandidata za vozače ili instruktora vožnje u autoškoli;

d) lice koje ima IV stepen stručne spreme, cestovni smjer i najmanje četiri godine radnog iskustva na poslovima osposobljavanja kandidata za vozače i instruktora vožnje u autoškoli.

4. Za licencu ispitivača iz poznavanja prve pomoći:

a) lice koje posjeduje licencu doktora opće medicine, vozačku dozvolu "B" kategorije i prebivalište na području Zeničko – dobojskog kantona.

II Kandidati su obavezni dostaviti slijedeće dokumente:

- a)** dokaz o ispunjavanju uslova u pogledu stručne spreme (za licencu pod: 1, 2, 3 i 4),
- b)** ovjerenu fotokopiju lične karte (za licencu pod: 1, 2 i 3),
- c)** ovjerenu fotokopiju vozačke dozvole (za licencu pod: 1, 2, 3 i 4),
- d)** ovjerenu fotokopiju dozvole instruktora vožnje (za licencu pod: 3),
- e)** dokaz o traženom iskustvu na poslovima instruktora vožnje motornih vozila (za licencu pod: 3),
- f)** dokaz o traženom iskustvu na poslovima sigurnosti saobraćaja (za licencu pod: 2),
- g)** uvjerenje da nije izrečena mjera sigurnosti ili zaštitna mjera zabrane upravljanja motornim vozilom (za licencu pod: 1, 2, 3 i 4),
- h)** dokaz o uplati naknade za izdavanje licence u iznosu od 50 KM (za licencu pod: 4) i
- i)** dokaz o uplati troškova za eliminatorni ispit iz Poznavanja propisa o sigurnosti saobraćaja na putevima u iznosu od 150 KM (za licencu pod: 1, 2 i 3).

Izuzetno, kandidati koji polažu popravni ispit dužni su dostaviti:

- uvjerenje da nije izrečena mjera sigurnosti ili zaštitna mjera zabrane upravljanja motornim vozilom i
- dokaz o uplati troškova za popravni ispit u iznosu **od 100 KM** za svaki ispit koji ponovo polažu.

III Za prijavljene kandidate (za sticanje licence pod: 1, 2 i 3) organizuje se osposobljavanje putem obavezne pripremne nastave koja ukupno traje 10 sati, i to:

Za licencu pod rednim brojem 1. i 2.:

- Poznavanje propisa o sigurnosti saobraćaja na putevima 8 sati,
- Pedagogija 2 sata.

Za licencu pod rednim brojem 3.:

- Poznavanje propisa o sigurnosti saobraćaja na putevima 8 sati,
- Vožnja u ulozi ispitivača 2 sata.

IV Ispit za dobijanje licence obuhvata polaganje iz slijedećih oblasti:

Za licencu pod rednim brojem 1. i 2.:

- Poznavanje propisa o sigurnosti saobraćaja na putevima - polaže se pismeno i usmeno (cijena ispita sa pripremnom nastavom 150 KM)
- Pedagogija - polaže se usmeno (cijena ispita sa pripremnom nastavom 150 KM).

Za licencu pod rednim brojem 3.:

- Poznavanje propisa o sigurnosti saobraćaja na putevima - polaže se pismeno i usmeno (cijena ispita sa pripremnom nastavom 150 KM)
- Vožnja u ulozi ispitivača - polaže se praktično (cijena ispita sa pripremnom nastavom 150 KM).

Nakon položenog eliminatornog ispita iz Poznavanja propisa o sigurnosti saobraćaja na putevima, kandidat koji želi nastaviti polaganje ispita je obavezan uplatiti razliku sredstava do cijena datih u tački IV.

POSEBNE NAPOMENE KANDIDATIMA U VEZI SA USLOVIMA ZA OSLOBOĐANJE POLAGANJA DIJELOVA ISPITA

Kandidat koji ima dozvolu instruktora vožnje motornih vozila, za dobijanje licence za predavača teoretske nastave ili ispitivača teoretskog dijela ispita, polaže samo ispit iz poznavanja propisa o sigurnosti saobraćaja na putevima.

Kandidat koji nema dozvolu instruktora vožnje motornih vozila, za dobijanje licence za predavača teoretske nastave ili ispitivača teoretskog dijela ispita, polaže ispit iz poznavanja propisa o sigurnosti saobraćaja na putevima i pedagogije.

Kandidat za dobijanje licence za predavača teoretske nastave ili ispitivača teoretskog dijela ispita koji ima položen stručni ispit u skladu sa programom polaganja stručnog ispita za nastavnike oslobođen je polaganja ispita iz pedagogije.

Osoba koja dobije licencu za predavača teoretske nastave dobija i licencu ispitivača teoretskog dijela ispita, a ukoliko ima dozvolu instruktora vožnje motornih vozila i najmanje jednu godinu radnog iskustva na poslovima obuke

kandidata za vozače ili instruktora vožnje u autoškoli, dobija i licencu ispitivača iz upravljanja motornim vozilom.

Prilikom osposobljavanja i polaganja ispita iz oblasti „Vožnja u ulozi ispitivača“, kandidat je dužan obezbijediti odgovarajuće vozilo „B“ kategorije koje ispunjava propisane tehničke uslove u pogledu uređaja i opreme, kako je to propisano Pravilnikom.

Uplata troškova iz tačke IV vrši se na

Transakcijski račun Budžeta ZDK broj: 134-010-0000001672, kod IKB D.D. Zenica;

sa naznakom: Prijava na Javni poziv za licenciranje;

Vrsta prihoda : 722611;

Šifra opštine 103;

Budžetska organizacija 2201001.

V. Prijave na Javni poziv, uz propisanu dokumentaciju iz tačke II, mogu se dostaviti na adresu: Ministarstvo za obrazovanje, nauku, kulturu i sport Zeničko-dobojskog kantona, ulica Kučukovići broj 2. Zenica, **najkasnije do 04.10.2013. godine.**

Prijavljivanje se vrši putem obrasca Prijave, koji se može preuzeti u pisarnici Zeničko-dobojskog kantona ili na web stranici Zeničko-dobojskog kantona // www.zdk.ba //.

Ukoliko kandidat aplicira za dobijanje više licenci, potrebno je dostaviti samo jedan komplet propisane dokumentacije iz tačke II Javnog poziva, a u obrascu prijave naznačiti za koje licence aplicira, kako je to dato u samom obrascu.

Pripremna nastava će se odvijati u prostorijama Odsjeka za poslove saobraćajne edukacije Ministarstva za obrazovanje, nauku, kulturu i sport Zeničko-dobojskog kantona (Metalurški institut „Kemal Kapetanović“), ulica Travnička br.6, u Zenici, a prema rasporedu koji će biti istaknut na oglasnoj tabli Odsjeka za poslove saobraćajne edukacije i web stranici Zeničko-dobojskog kantona. Nakon pripremne nastave obaviti će se ispiti propisani navedenim Pravilnikom.

Neblagovremene prijave neće se uzeti u razmatranje.

Ostale relevantne informacije mogu se dobiti na telefon broj:

032/409 - 519

Broj: 10-27-210-3/13

Datum: 04.09.2013. godine

MINISTAR

Mirko Trifunović